

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Joachim Langens Verbesserte und Erleichterte
Lateinische Grammatica**

Lange, Joachim

Halle, 1726

Decuria Octava

[urn:nbn:de:bsz:31-263836](#)

tiam & studia: amor vero exacuat sensum attente audiendi. V. Quid postea? H. Statim legendum frequenter, & discendum libenter. V. Sic *lego* retinet locum tertium. H. Retinet omnino, sed *doceo* suo loco movetur, & quartum accipit, seu ultimum. V. Quae subestratio? H. Id postulat natura disciplinæ. Nemo enim recte docere potest alios, nisi antea diu multumque audiverit attente, amaverit impense, & legerit, seu didicerit quam diligentissime litterarum studia. V. Bene philosopharis in ipsa Grammatica. N. Cur vero quatuor conjugationibus præmittitur *sum*? V. Quia esse seu existere debet in rerum natura, qui vult audire, amare, legere, docere.

DECURIA OCTAVA. DE REBUS VARIIS.

ARNOLDUS & NICOLAUS.

I. De via.

A. Quo tendis Nicolae? N. Recta in hortum Friderici. A. Hæc via eo non fert, sed ista satis trita, et si plaustris invia. N. Lutosa illa & acclivis, nec lapidibus strata? A. progredere modo alacriter, mox erit declivis, arida & satis jucunda. N. Non videtur vero esse compendaria. A. Est sane, nisi quæsiveris diverticula: hoc est, nisi ab eadem ad dextram vel ad sinistram deflexeris. N. Persequar hunc callem sine errore, gradumque accelerabo.

D d

II. De

II. De alauda & luscinia.

A. Audivi heri alaudam, veris nunciam. N. Nonne etiam lusciniam? A. Nondum: hæc enim non veris sed æstatis est prænuntia. N. Ultra vero canit suavius? A. Luscinia: insignis tamen est etiam vocis seu cantus præstantia in alauda. N. Omnino, ideoque nomen habet a laude. Laudat enim Dominum, creatorum suum. A. Scita est hæc nominis ratio. N. Nos vero inde discamus, multo magis Deum laudare. A. Id omnino æquum est. Dedit enim nobis vocem humanam & articulatam. N. Inter ea vero gaudeo, appropinquare tempus, quo possumus ayium nidos investigare.

III. De apibus.

A. Quid edis, Nicolae? N. Panem melle illatum pro bityro. A. Quomodo sapit? N. Dulcissime. A. Quisnam conficit mel? N. Apis, non autem una, sed plures. A. Unde illud conficiunt: N. E florum succis. A. Admiranda certe est natura apum. N. Immo admirandum sane artificium est in mellifizio. Dicuntur etiam ducere examina. A. Sicut nos in schola nostra? N. Minime sed novam progeniem emitunt. A. Quid præterea observas in apibus, N. Permulta, sed nunc sufficiet, duo adhuc meminisse. A. Dic, quæso. Habent aculeum, cuius emissione nocere possunt cuti; & formant ceras tenaces. A. Age! simus ceza tractabiliores.

IV. De ingenio.

A. Salve, Nicolae ingeniose. N. Cur me vocas ingeniosum? A. Quia es ingenio acuto (prædictus) N. Ego sane nullum mentis acumen in me deprehendo. A. Sufficit, alios id deprehendere. N. Nec tuum ingenium est tardum ac obtusum. A. Falleris, Nicolae. Non enim habeo ingenium in promptu, ut cogitando facile possum quidvis assequi, N. Certe tamen judicium

um tibi non deest. A. Unde hoc colligis? N. Quod non
cares judicandi solertia. A. Crede mihi, Nicolas, si, quod
verum est, fatear, neuter nostrum habet, cur se esterat.
N. Facile tibi assentior. A. Ergo nos de nobis sententia-
mus demisse.

V. De mendacio.

N. Cur heri non fuisti in schola Arnolde? A. Carebam
calceis. N. Mentiris! Nam vidi te ambularem in foro.
A. Rogo te etiam atque etiam, ne dicas præceptor. N. Er-
go mentitus es. A. Fateor, modo præceptor non resciscat.
N. Deus tamen novit. A. Ille me non cædet virga. N.
Gravissime erras; noli irritare ad vindictam Deum, seve-
rum judicem, cuius virga peccatoribus aliquando erit intol-
erabilis. A. Etiam mendacibus? N. Omnino. Nam imi-
tantur diabolum, spíritum mendacissimum. A. Non men-
tiar posthac. N. Fauxit Deus, ut serves promissa.

VI. VII. De furto & mendacio.

N. Ubi, & a quo, accepisti istum annulum, Arnol-
de? A. Inveni eum in platea. N. Quando? A. Nu-
dius tertius, cum venirem e templo. N. Sed ego il-
lum adhuc heri viri in digito amite tuæ, Sabinæ. A.
Illa eum fortasse amisit. N. Mendacem oportet esse
memorem. A. Cur me vocas mendacem? N. Non so-
lum es mendax, sed etiam fur. A. Quid abstuli? N.
Annulum. A. Id vix probabis. N. Jam satis pro-
bavi; imo tu ipse probasti, seu confessus es! A. Qui-
bus verbis? Credisne, me annulum heri vidisse hæ-
rentem in digito amite tuæ? A. Id non negabo. N.
Quando vero tu eum invenisti in platea? A. Ante tres
dies. N. Ecce mendacem sui immemorem, qui inven-
ire potest, antequam aliquid amissum est. A. Fateor
fursum & mendacium. N. Sane pudeat te utriusque,

Dd 2. inpri-

inprimis mendacii, quod turpissime a te iteratum est. A. Cræde mihi, non solum facti me pudet, sed etiam pœnitit atque piget. N. Utinam serio!

IIX. De ira & odio.

N. Cur irasceris, Arnolde? A. Titius me fuste percussit. N. Putabam, Titium esse amicum tuum. A. Ex amico factus est inimicus, odio dignus. N. Erras, Arnolde; nam debemus etiam hostes nostros diligere. A. Sed illi nos non diligunt. N. Nec nos Deum amavimus; & ille tamen nos amat impense, ut ipsum redamemus, & simul amore complectamur inimicos nostros. A. Bene mones, ignoscam Titio, ipsumque amabo.

IX. De animo ingrato.

A. Unde acceperisti novum istum librum, Nicolae? N. Ab avunculo meo. A. Num ipsi gratias egisti? N. Oblitus sum, nec opus fuit gratiarum actione. Non enim postulavit eam avunculus. A. O ingratum hominem, qui non vult gratias agere, nisi exactas! Fuiine tibi gratus liber? N. Fuit omnino, & adhuc est. A. Vide impudenteriam tuam: liber est gratus tibi, tu vero es ingratus erga ejus datorem. N. Agnosco errorem ac vitium meum, A. Sed ita illud agnoscere, ut emendetur.

X. De maledicentia.

A. Cur tam tristis incedie, Valentinus? N. Luit pœnam linguae. A. Qualem habet linguam? N. Maledicam, qua conviciatus est fratrem suum. A. Quomodo? N. vocavi eum alium & hominem nequam: reliqua convicia taceo. A. Fortasse par pari retulit maledictis lacesitus a fratre. N. Minime; frater ejus neminem solet incellese probris. Neque si illum incepisset, id ipsum excusaret. Nam, maledictis & malefactis par pari referre, Christiana lege vetitum est.

DE-